

ad commodatum bitumine seu alia materia illines, rescindendo quicquid ab extrema instrumenti linea extat papiri, Tantumque in summitate pinnacidia duo reliquos ad formam quæ in papiro sunt depicta, per ea vtrinque foramina facies duo alterum altero maius, ita ut maiora simul & minora æquali distantia distent à prima siue superiori linea Horoscopii. Deinceps quoque iuxta lineam illam supremam proximo supra ψ & γ 3. puncta vides, quibus adiunctæ litteræ 3. sunt LMN. Ut scias istud Brachiolum tibi adfigendum iuxta modum præscriptum, illi filum adnectes sericum cum vnione qui in illo voluatur, ex eo quoque plumbum dependeat exiguum, filum quoque tam longum esse debet, ut reposito eo cum Brachiolo super orbem istum paruulum sub cruce, quod in imo eminent extatque à filo plumbum libere circumquaque sub instrumento volui reuoluique possit sine omni impedimento. Hæc sunt quæ ad instrumenti huius noticiam necessaria te candidè lector scire volumus.

Hæc omnia visu potius quàm verborum pluralitate ex hoc presenti schemate edoceri poteris.



Quando primam huius Horoscopii partem quàm fieri potuit paucissimis absoluimus, secundam quoque pari breuitate cõplectemur.

PARS